



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Pretiosae Occvpationes Morientivm In Societate Iesv

Nádasi, János

Romae, 1657

Cap. XXVII. Lectio spiritualis.

**urn:nbn:de:hbz:466:1-45415**

Deus, qui mihi iam ignouit! Sic demum inter hæc ipsa verba lætum spiritum exhalauit.

7 P. Hieronymus Rubiola moriturus alios ac alios Sodalium Senensium cœtus ad se exciuit; præclaris monitis instruxit. In paruulorum verò ferè septuaginta in orbem circa lectulum humi collocatum fusorum coronà, duabus in altari candelis accensis, *Salve Regina* præiuit, & vnà cum innocentibus illis Angelis totam absoluit antiphonam.

Sach. 1571.  
II. 22.

C A P V T X X V I I.

*Lectio spiritualis pretiosa occupatio Infirmi.*

I P Petrus Canisus vltimis vitæ mendo se ad mortem felicem vellet componere, optimè se id facturum arbitratur, si mortem suam componeret ad migrantium exempla Sanctorum. Septembris initio Sanctorum quatuor vltimis anni mensibus occurrentium vitas omnes audire ita voluit, vt illas vnà cum vita sua absolueret: *Benedictus*, aiebat, *Deus in Sanctis suis!* O laudatissime in tuis *Electis Deus!* *Gratias tibi pro illis!* *Gratulor tibi de illis!* *Laudo te in illis!* Et consummatos illorum labores tibi offero pro illis à quibus iam cesso laboribus meis. Ita ille quos in Cælo paulò post coràm salutaturus erat, eorum me-

F f 2 moriam

moriam repetebat, se accendebat, & parabat.

2 *B. Aloysius Gonzaga* petebat sibi legi aliquid. 1. è *Psychagogià*; vel 2. è *D. Augustini Soliloquijs*; vel 3. è *S. Bernardi Sermonibus in Cantica*. vel 4. hymnum: *Ad perennis vite fontem Mens sitiuit arida*. aut 5. *Quemadmodum desiderat cervus, &c. Latatus sum in his que dicta sunt mihi: in Domum Domini ibimus*. His ille libris, quasi *Dei se* vltimùm alloquentis epistolis, audiendis delectabatur, & sitim suam explicabat in cælum, ac simul tempus tædijs miserè obnoxium, æternitatis delectationibus non fallebat, sed delectabat.

Pl. 41.  
Pl. 121.

3 *Robertus Cardinalis Bellarminus* accepto mortis iam vicinæ optato nuncio, deinceps nihil aliud agere visus est, inquit vita illius, quàm preces varias, atq; hymnos *Dauidis* recitare; vel *audire pios obitus Sanctorum*; ac præ alijs mortem *S. Caroli Borromæi*. Certè pretiosæ sunt, & coram ægro identidem legi dignæ *S. Caroli* Protestationes.

Lib. 7. c. 3.  
Vltimæ  
occupatio-  
nes.

4 *P. Hieronymus Rubiola* in supremo vitæ actu, nil nisi de *Deo* voluit audire, vel de pio volumine, vt habet *Sachinus*. Aiebat, nunquam tam vegetos sibi fuisse ad diuina sensus, quàm habebat collabente corpore, nec tam benè vnquam antea diuinam *Scripturam*, tantoq; cum gustu intellexisse.

P. 3. l. 6.  
n. 20.

5 Enimuerò torpentes tunc ac vi morbi hebe-

hebetatos sensus par est sacrà librorum selectiorum lectione acuere, iacentes erigere, atq; illis adminiculis fulcire. Copres dum præclare actam Eremitarum vitam narraret, elegans & pretiosus coram illo liber explicatus apparuit, è quo ille characteribus aureis exarato legebat, quæ alij audirent. Facile fidelis amicus Copretis lectoris implebit officium, quando, supremo amici vasa pro itineribus æternitatis colligentis solatio, aureum quempiam libellum leget; seq; amicum verè in oculis tulisse ostendet, quando inter legendum oculorum amici functus vice, id faciet, quod amici oculi facerent, si valeret. Sed in Religiosis familijs id præ quàm alio in loco facile est, vbi plures sunt, qui id & possint, & vtrò velint.

6 Quid autem legendum sit, facile erit feligere vel ea, quæ Canisio, Aloysio, Belarmino lecta dixi; vel ea quæ æger dum valeret ipse sibi in extremum tempus adnotavit, lectiones 2. nocturni per octauam omnium Sanctorum, item de communi vnus Martyris lectiones Nocturni secundi & tertij: S. August. medit. cap. 13. 20. vsq; ad 28. item alia quibus æger aliquando sensit se ad cælestia magis inflammari.

7 P. Ioannes Polancus, charus ille S. P. Ignatio vir, vbi sensit sibi momentum instare nouissimum, inquit Sachinus, Christianis præparatus

P. 46 l. 46  
n. 35.

tus

tus mysterijs, è libello, quem ad iuuandos morientes paulò antè in lucem ediderat, iussit sibi aliquid recitari: & caput *de erigenda in Deum spe* legi petiuit.

8 Fuere è Societate nonnulli qui inter ardentia pro Christo moriendi desideria, cùm pro Domino haud possent, in Domino morientes, domestica fortiter ac sanctè morientium exempla sibi prælegi audiebant; parati & ipsi, si *Deus* annueret, non sicca, sed cruentà pro dilecto Crucifixo *Iesu*, morte defungi.

4. Iunii.  
1651.  
ætat. 78.

9 *P. Ioannes Euisonus* moriens dixit, se in in omni vita nunquam librum pium sine grato sapore & gustu perlegisse. Crucifixo vltima dās oscula suauissimè immortuus est illis verbis: *Amo te super omnia! Doleo super omnia!*

Amor, dolor.

10 *P. Ioannes Ribera* in Philippinis elephantia si exulceratus, totus in vlcera dirum in modum abierat, spiritu intercepto ac animo linquente inter dolores non rarò colapsus. tamen stetit semper gratias agens, & indignum se beneficijs tantis dicens. Pro patientiæ verò armaturà Iobi patientis historià ex anagnosce audità se firmabat.